

# AUG 2024: Queenie sumbang emas

## ZURAIMEE ZAINAL

MELAPORKAN DARI AUG  
SURABAYA-MALANG 2024,  
INDONESIA



**Q**ueenie Ting Kung Ni menghadihkan emas pertama hari ketujuh buat kontinjen Malaysia dalam acara lempar cakera wanita temasya Sukan Universiti ASEAN (AUG) Surabaya-Malang 2024 pada Selasa.

Dalam aksi yang berlangsung di Lapangan Atletik FIK Universitas Negeri Surabaya (UNIESA) itu, Queenie, atlet berusia 26 tahun kelahiran Sarikei, Sarawak mencatatkan lemparan 45.23 meter (m).



Penuntut Universiti Putra Malaysia (UPM) itu meninggalkan dua pesaing terdekat dari Indonesia, Wahyu Nur Aini (43.41m) dan Maria Aviliationo (42.47m).

Pada sebelah pagi, raja pecut 100m negara, Muhammad Azeem Fahmi mara ke pentas akhir selepas mengungguli saringan dua.

Penuntut Auburn University itu mengungguli saingan dengan catatan masa 10.55 saat (s), diikuti pelari Indonesia, Jaelani Fatah Sidik kedua (10.76s).

Wakil Indonesia, Lalu Muhamad Zohri sebelum itu juga layak selepas mengungguli saringan satu dengan catatan masa 10.41s, diikuti seorang lagi pelari Malaysia, Aliff Iman Mohd Fahimi (10.82s).



Queenie  
melakukan  
lontaran sejauh  
45.23m untuk  
merangkul  
emas.